


Цийи 2021-йис мубаракрай!



Сулейман-Стальский райондин общественно-политический газет
1931-йисалай акъатзава

КУЪРЕДИН ХАБАРАР

№1 (26421)

Жуьмя, 1-январь, 2021-йис
Газет гъафтада садра акъатзава.
Маса гунин кьимет азадди я

«Сулейман-Стальский район» муниципальный райондин Кьил Н. Ш. Абдулмуталибован ЦИЙИ ЙИСАН ТЕБРИК



Играми районэгълияр! Вири россиявийри хьиз, чи райондин агъалийрини алуькнавай Цийи 2021-йис кьаршиламишнава. Адет хьанвайвал, алатнавай вахтуниз вил вегин хьувналди, чна алатнавай йисан вакъияр рикел хкизва, авунвай крариз кьимет гузва, са гафуналди, авур кваллахрин нетижаяр

къазва, идахъ галаз санал, гележегда вилик цийи везифаяр эцигзава, абур кьилиз акъуддай рекьер аннамишзава.

Алатнавай йис, Виридуьньяда чклай коронавирусдин инфекцияди хейлин четинвилер арадал гьанатгани, санлай къачурла, Россия, Дагъустан патал хьиз, район патални активдаказ яратмишунрин кваллахдал машгул хьайи, хьсанвилихъди еке дегишвилер кьиле фейи йис хьана. Алатнавай йисуз чалай районда общественно-политический гьалар мягкемариз, социальный, экономикадин асул рекьерай вилик финин еришар хьсанариз алакьна.

Играми районэгълияр! Заз райондин хушбахтвал патал чгунвай яратмишунрин зегметдай квез риклин сидкьидай чухсагул лугъуз кланзава.

Чун район вилик тухунин программа уьмуьрдиз кечирмишунин эгечнава. И программади районегълийрин гьал-агвал хейлин хьсанарун лазим я. Чахъ район мадни виниз тир дережайриз хкаждай, агъалийрин яшайиш, дуланажагъдин шартлар хьсанардай бес къадардин мумкинвилер ава. Виридан умуми чалишмишвилералди куьне райондин экономика



мягкемаруник лайихлу пай кутадайддал са шакни алач.

Квез Цийи йис мубаракрай!

Къуй районегълийрин гьар са хизанда, районда ва Россияда ислягвал, берекат, хушбахтвал хьурай!

Штабдин заседание хьана

Алатай йисан 25-декабрдиз Дагъустан Республикадин Кьилин везифаяр тамамарзавай Сергей Меликова региондин

йисан суварин мярекатар тухунин месълани веревирдна.

ДР-дин Кьилин здравоохраненидин министрводин сувар



территорияда коронавирусдин инфекция чуклуниз акси кваллах тухунин рекъай Оперативный штабдин заседание кьиле тухвана. Онлайн кьайдада тухвай совещанида Сулейман-Стальский райондин Кьил Нариман Абдулмуталибова, райондин центральный больницадин кьилин духтур Жафер Къурбанисмаилова иштиракна.

Сергей Меликова вири дережайрин властдин органрин векилрихъ галаз жуьреба-жуьре месэляар, гьабуркай яз Цийи

рин йикъара коронавирусдин инфекциядик начагъбурухъ ва квалера духтуррин гуьзчивилик квайбурухъ гелкъуьнин кваллах кьетлен гуьзчивилик кутунин пагахъай тапшуругъ гана.

Заседанидал коронавирусди хъ галаз алакьалу яз республикада арадал атанвай санитариядинни эпидемиологиядин гьаларикай ва инфекциядин вилик пад кьун патал къабулзавай серенжемрикай Роспотребнадзордин ДР-да авай Управленидин руководитель Николай

Павлов, коронавирусдин аксина рапар ягъунин кваллах кьиле физвай гьалдикай Дагъустандин здравоохраненидин министрдин везифаяр вахтуналди тамамарзавай Тагъяна Беляева рахана.

Къейд ийиз кланзава хьи, коронавирус чуклунихъ галаз алакьалу гьалар Сулейман-Стальский районда гуьзчивилик ква. Алай вахтунда ЦРБ-дин стационарда внебольничный пневмониядик начагъ 22 кас ава.

ЦРБ герек шейэралди, медициналди таъмин я, начагъбуруз чкаяр бес къадар ава.

ДР-дин Минздравдин рекъай ЦРБ-ди «ПАЗ» машиндал алай санай-санитиз тухудай флюорографиядин установка, сагъарунинни профилактикадин «Диагностика» мобильный комплекс, гьакъни автоматламинунин 180 кваллахдин чкадин компьютерар къачунва.

Райондин центральный больницадин территориядал компьютерный томограф патал кьилдин дарамат эцигна акьалтларнава.

ДР-дин Кьилин везифаяр вахтуналди тамамарзавай Сергей Меликова гайи тапшуругъар райондин оперативный штабдин заседанидал веревирд ийида ва талукъ серенжемар къабулда.

Грамотаяр вахкана

Райондин Кьил Нариман Абдулмуталибова 2020-йисуз райондин территорияда общественный кьайда хуьнин, тахсиркарвилерин ва кьайдаяр чгунунин вилик пад кьунин карда намуслудаказ иштирак авунай, хиве авай везифаяр уьзуьагъдаказ кьилиз акъудунай Россия-



дин МВД-дин Сулейман-Стальский райондин отделдин са шумуд кас работникрив Чухсагулдин чарар ва райондин Гьуьрметдин грамотаяр вахкана. Кьилиди къачуртла, Чухсагулдин чарариз оперативный дежурный Назим Захарьев, следователь Рашид Бабаев, полициядин участковый уполномоченный Артур Рамазанов ва конвойдин старший полицейский Айнудин Эмирбеков, райондин Гьуьрметдин грамотади уголовный розыскдин старший оперуполномоченный, полициядин майор Максим Къараханов лайихлу хьана.

Райондин Кьил Нариман Абдулмуталибова РОВД-дин работникрив коронавирусдин инфекция чкланвай вахтунда райондин территорияда законлувал таъминарунай, общественный кьайдаяр хуьнай, хиве авай кьуллугъдин везифаяр намуслудаказ кьилиз акъудунай чухсагул малумарна ва абурухъ мягкем сагъламвал, кваллахда агалкъунар хьана кланзавайди къейдна.

Текстер кхъейди ва шиклар ягъайди Хазран Къасумов я

Райондин терроризмдиз акси комиссияда

Нетижаяр къуна, кВалахдин план тестикъарна

Акьатай йисан 24-декабрдиз Сулейман-Стальский райондин Кьил Нариман Абдулмуталибован председателвилек кваз райондин терроризмдиз акси комиссиядин нетижаяр къадай заседание кыле фена. Анал 2020-йисуз тухвай кВалахдин нетижаяр къуна ва АТК-ди 2021-йисуз тухудай кВалахдин план веревирдна.

инсанрин дестеяр ва организацияр ашкара хьанач.

АТК-дин аппаратдин руководитель Абуталиб Фагулаева кьейд авурвал, 2021-йисуз терроризмдиз акси комиссиядин кВалах менфятлувал артухаруникай, комплексный пландин мярекатар ва серенжемар давамаруникай, терроризмдихь

НАК-дин кьетен гуьзчивилик ква, - лагана Нариман Абдулмуталибова. - И кВалах давамарун ва лап хьсанарун, тамамвилехь агакьарун лазим я.

Райондин Кьил Нариман Абдулмуталибова райондин территориядал хатасузвал таъминарун патал саналди тухвай бегьерлу кВалахдай кьайдаяр хуьдай органрин, райадминистрациядин, общественностдин, хуьрерин поселенийрин подразделенийрин векилриз чухсагьул лагана.

Нариман Абдулмуталибова заседанидин сергьятра аваз АТК-ди тухвай муниципальный конкурсрин гьалибчийрив ва призеррив наградаярни вахкана. ИкI, «Лучший экстремистский и антитеррористический контент» номинациядай 1-чкайриз Р. Халикьован тВарунихь галай Кьулан СтIалрин СОШ-дин директордин заместитель Эльвина Гуьлмегьамедова, Герейханован 2-нумрадин СОШ-дин 9-классдин ученица Фатима Абдувагьабова ва Цмуррин СОШ-дин 9-классдин ученица Амина Темирханова, 2-чкайриз Курхуьруьн 2-нумрадин СОШ-дин тарихдин муаллим Лейла Уружбекова, Агьа-СтIал Кьазмайрин СОШ-дин урус чIаланни литературадин муаллим Шамсият Ханвердиева ва Дербентдин экономикадинни правадин колледждин студент кьасумхуьруьнви Рашид Келбалиев, 3-чкайриз Кьасумхуьруьн 1-нумрадин СОШ-дин директордин заместитель Айишат Кьасумова, ЦИИи поселокдин СОШ-дин дидед чIалан ва литературадин



Заседанидин кВалахда райадминистрациядин Кьилин заместителри, кьайдаяр хуьдай органрин векилри, райадминистрациядин кьурулушрин подразделенийрин, организацийрин, идарайрин руководителри, территориальный кьурулушрин, федеральный ва республиканский органрин руководителри, хуьрерин поселенийрин кьилери, общественностдин ва СМИ-дин векилри иштиракна.

Заседанидал АТК-ди 2020-йисуз тухвай кВалахдикай ва 2021-йисуз вилик акьвазнавай везифайрикай общественный хатасузвал хуьнин рекьай райадминистрациядин Кьилин заместитель, АТК-дин аппаратдин

ва экстремизмдихь галаз женг чIугунин цIийи кьайдаяр ва жуьреяр кардик кутуникай, ДР-дин терроризмдиз акси Милли комитетдин тапшуругьар ва ДР-дин АТК-дин решенияр кылииз акьудунал гуьзчивал артухаруникай ибарат жеда. Школьникрин ва жегьилрин арада информациядинни пропагандадин, илимдин ва гьавурда тунин кВалах тухун давамда.

Заседанидал «Комплексная программа противодействия идеологии терроризма в РФ на 2018-2020-годы» пландин мярекатар райондин талукь кьурулушра тамарунин менфятлувилай райондин Инфрамагнетстводин руководитель Агьмед

Гуьсейнов ва «ИМЦ» МКУ-дин директордин заместитель Венера Ханвердиева рахана. Абурун рахунрай малум хьайивал, Инфрамагнетстводик официальный сайт, «Куьредин хабарар» газет ва телевидение акатзава. Талукь тир хабарар гьа са вахтунда райондин официальный сайтда, райондин терроризмдиз акси комиссиядин сайтда, райондин газетда ва чкадин телевиденида тикрарзава.

Гьахь-гьысабдин девирда терроризмдиз ва экстремизмдиз акси 175 материал райондин сайтда гана, «Куьредин хабарар» газетдиз ихьтин 52 макьала акьатна, Кьасумхуьруьн телевидениди райондин АТК-дин, кьайдаяр хуьдай органрин, диндин, образованидин, жегьилрин ва общественный организацийрин векилрин иштираквал аваз «олквейе столар» тешкилна, передачаар гана.

Тестикъарнавай пландин бинедаллаз райондин образованидин организацияра тухвай мярекатрин кьадарни гзаф я. ИкI, вири школайра «Террордиз – ваь» пилер арадал гьанва, чIехи классра кIелзавайбурун ватанпересвилини клубар (Юнармейцы) кардик ква. Профилактикадин серенжемрин сергьятра аваз классрин сятер, акцияр, конкурсар, флэшмобар, спортдин акьажунар тухвана.

Заседанидин нетижаяр кьур райондин Кьил Нариман Абдулмуталибова терроризмдиз акси комиссияди ва талукь кьуллуьгьри гьахь-гьысабдин девирда тухвай кВалах менфятлууду ва бегьерлууду хьайиди кьейдна.

- Райондин территориядал кьайдадик квай социальный гьалар таъминарун, общественный хатасузвал хуьн – ибур важиблу месэлаяр я, абур республикадин ва



РФ-дин ЦИК-дин грамотаяр вахкана

Акьатай 2020-йисуз чи уьлкведа кьетен ва лишанлу вакьаяр гзаф хьана. Абурукай сад Россиядин Федерациядин Конституциядик кухтур дегишвилериз сесер гун я. И сесериз гьазурвилер акунин ва кыле тухунин карда Сулейман-Стальский райондин территориальный сечкидин комиссияди ва хуьрера тешкилай участковый комиссийрини еке кВалах тухвана. Муьквал йикьара райондин администрацияда РФ-дин ЦИК-дин Гуььрметдин грамотаяр ва Чухсагьулдин чарар вахкунин шадвилени мярекат кыле фена.

Райондин Кьил Нариман Абдулмуталибова райондин территориальный сечкидин комиссиядин председатель Нариман Мейланован, 1285-сечкидин участковый комиссиядин председатель Тевриз Вердиханован, 1290-сечкидин участковый комиссиядин секретарь Малик Агьмедован РФ-дин ЦИК-дин Гуььрметдин грамотаяр, 1287-сечкидин участковый комиссиядин председатель Насир Абакарован ва 1318-сечкидин участковый комиссиядин председатель Эльвира Тагьирован РФ-дин ЦИК-дин Чухсагьулдин чарар вахкана.

Райондин Кьил Нариман Абдулмуталибова ЦИИи Макьарин юкьван школадин 11-классдин ученица Тагьибат Мегьамедован ва 10-классдин ученик Гьажимурад Шабанован «Софиум» тIвар алаз сечкидин ихтияррин ва кыле финин жигьетдай тухвай Вирироссиядин школьникрин интернет-олимпиададин иштиракчи хьайивилин сертификатари вахкана.

Гуьруьшдал Нариман Абдулмуталибова ва райондин образованидин управленидин начальник Гуьсейн Шихбабаева лагьайвал, «Софиум» Вирироссиядин интернет-олимпиада РФ-дин ЦИК-ди Россиядин илимдин министрстводихь, «Российский центр обучения избирательным технологиям при ЦИК России» ФКУ-дихь, РФ-дин субъектрин сечкидин комиссийрихь ва субъектрин властдин органрихь галаз тешкилнавайди тир.

Интернет-олимпиада кьве - региональный ва федеральный этапда кыле фена. Ана иштиракзавайбурун кьадар йис-йисандавай артух жезва. Ида кьалурзава хьи, жегьилри, школайра кIелзавайбуру уьлкведа кыле физвай политический месэлайриз фикир гуьва, абурун тереф хуьзва ва чпин фикирар райжава.

- Чи райондин школьникри федеральный дережада тухвай олимпиадада иштирак авуни чак шадвал кутазва, - лагана Н. Ш. Абдулмуталибова. - За абуруз и агалкьун мубаракзава.



руководитель Абуталиб Фагулаева гегьенш доклад авуна. Ада кьейд авурвал, акьатай йисуз муниципалитетди 14 нормативно-правовой акт, гьабуркай яз терроризмдин вилик пад кьуниз ва адан нетижаяр арадай акьудуниз талукь тир 10 постановление ва 4 распоряжение кьабулна. Райондин терроризмдиз акси комиссиядин 4 заседание тухвана, анрал 15 месэладиз килигна.

Районда «Комплексная программа противодействия идеологии терроризма в МР «Сулейман-Стальский район» на 2018-2020-годы» муниципальный программа уьмуьрдиз кечирмишзава, адан сергьятра аваз экстремизмдиз ва терроризмдиз акси лап хьсан кВалахрин (контентрин), гьакIни яш тамам тахьанвайбурун ва жегьилрин арада закондай кьерехдиз экьечIунин ва наркомания чукIунин вилик пад кьунин хилерай конкурсар тухвана.

Муниципальный программадин сергьятра аваз районда хейлин маса мярекатар тухузва, районда соцкультьбьтдин, образованидин ва маса объектар ахтармишдай межведомственный комиссияди кВалахзава. Вири и кВалахар себеб яз районда 2020-йисуз терроризмдин ва диндин экстремизмдин чIуру дуьшуьшар хьанач, гьахь-гьысабдин девирда райондин территориядал чIуру фикирар авай



муаллим Заира Селягьова ва Эминхуьруьн библиотекадин заведующий Алла Буржалиева лайихлу хьана.

Конкурсантриз 5000 (1-чкадай), 3000 (2-чкадай) ва 2000 (3-чкадай) манатдин кьадарда аваз пулдин призарни гана.

«Лучший контент, направленный на профилактику и противодействие незаконному обороту наркотических средств и психотропных веществ» номинациядай приздин чкайриз лайихлу хьана: 1-чкайриз АТК-дин кьилин пешекан Амир Гьамидов ва Агьа-СтIал Кьазмайрин СОШ-дин муаллим Шамсият Ханвердиева (гьардаз – 8000 манат), 2-чкайриз Кьулан СтIалрин ва Вини СтIалрин СОШ-рин директорар тир Ифриз Бабаева ва Расул Кьагьриманов (5000 манат), 3-чкайриз Герейханован 2-нумрадин СОШ-дин 11-классдин ученица Амина Рахмалиева ва 10-классдин ученик Амин Сейфулаев (4000 манат).

«Лучший контент в сфере профилактики правонарушений и преступлений» номинациядай 1-чка Агьа-СтIалрин СОШ-дин директордин заместитель Румина Мегьамедовади, 2-чка Дербентдин праводин колледждин студент Аким Кьафланова, 3-чкаяр ДГУ-дин юридический факультетдин студент Фарид Гьамидова ва Чухьверхуьруьн СОШ-дин директордин заместитель Земфира Нежведиловади кьуна. Абуруз, талукь тирвал, 12000, 8000 ва 5000 манатдин кьадарда аваз пулдин призарни гана.

Текст кьейди ва шиклар ягьайди Хазран Кьасумов я.

КӀвенкӀвечи муниципалитетрин арада

Дагъустан Республикадин Къилин везифяр вахтуналди тамамарзавай Сергей Меликова 2020-йисан 25-декабрдиз 141-нумрадик кваз акъудай Указдин бинеддалаз 2019-йисан кӀвалахдин нетижайриз килигна тафаватлу хъайи Дагъустандин шегъерар ва районар тайинарнава.

Гъалибчийрин ва призеррин арада гъар категориядай (шегъеррин округ, дагъдин зона, дагъдин ценерив гвай зона ва дуьзендин зона) 15 райондин ва шегъеррин тӀварар къунва.

Дагъдин ценерив гвай зонада Сулейман-Стальский райондиз 3-чка ганва.

Гъалибчийриз ва призерриз пулдин призар гуда.

(Райондин сайтдай)

КӀварчагъ дередин месэляяр веревирдна

Акъатай йисан 25-декабрдиз Сулейман-Стальский райондин Къил Нариман Абдулмуталибова КӀварчагъ дередин хуьрерай тир теклифар гвай инсанрин са десте къабулна. Къилди къачуртӀа, НуьцӀуьгърин юкъван школадин директор А. Рамазановахъ, адан заместителар тир А. Шабановахъ, Р. Шабановахъ, муаллимар тир Ш. Батовахъ ва Ш. Абдуселимовахъ, «3и хайи хуьр НуьцӀуьгъ» общественный организациядин Советдин председатель З. Тажибовахъ, и Советдин членар тир А. Агъахановахъ (Дербентдин электросетдин къилин инженер), Ш. Шихнебиевахъ («Центр традиционных культур» НуьцӀуьгърин филиалдин директор), Ю. Селимхановахъ (организациядин кассир) ва КӀварчагърин врачевный амбулаториядин заведующий Р. Девришбековахъ галаз хъайи гуьруьшдал КӀварчагъ дередин хуьрерин са жерге месэляяр веревирдна. Къилди къачуртӀа, абуру НуьцӀуьгърин 2



куьчеда (сурарихъ физвай ва Ленинан тӀварунихъ галай) къир цун патал 2021-йисан пландик кутунин ва хуьре аялрин майдан эцигунин карда райондин Къиливай куьмек гун тӀалабна.

«3и хайи хуьр НуьцӀуьгъ» общественный организациядин Советдин председатель Загъидин Тажибова лагъайвал, хуьрерин социальный месэляяр гъялуни карда агъалийрини иштиракзава, и рекъериз чпин пулуни такъатар харжзава. ИкӀ, А. Къагъриманова Садовая куьчеда къайда туниз 6500 манат, Г. Уружбекова ва А. Пашаева М. Ярагъскийдин тӀварунихъ галай куьчеда муьгъ ремонт хуьвуниз 76 000 манат, КӀварчагърин врачевный амбулаториядин заведующий А. Агъаханова трансформатор эцигуниз 40 000 манат пул гана.

Хуьруьнвийри Женгинин Баркалладин обелиск цийи хуьвун патал 65 000 манат пул кӀватӀна. Хуьруьнвийрин пулуни такъатрихъ сурарал физвай рехъ гегъеншар хуьвуна, сеткадалди анаг кӀевирна, Молодежная, Родниковая ва Ленинан тӀварунихъ галай куьчейра турбайриз шир яна.

Загъидин Тажибова хуьруьн месэляяр гъялуни кутазавай пайни екеди я. ИкӀ, ада фельдшервилин пунктуни хъвадай яд тухун патал 20 000 манат ва НуьцӀуьгърин хуьре автобусрин станция дуьзмишунин кӀвалахриз 136 000 манат пул гана.

Райондин Къил Нариман Абдулмуталибова къейд авурвал, КӀварчагъ дередин территориядал жуьреба-жуьре проектар ва программаяр уьмуьрдиз кечирмишунин рекъяй тайин кӀвалах тухвана. Къведай йисуз НуьцӀуьгърин хуьр «Шегъердин къулай шартӀар» проект уьмуьрдиз кечирмишунин майдандиз элкъведа. «Чкадин теклифар» проектдин сергъятра аваз Зизикрин хуьре Школьная куьчеда аялрин ва спортдин майданар эцигна акъалтӀарда. Проектдиз пулуни такъатар республикадин, муниципальный бюджетрай ва бюджетдилай къецай тир фондарай гуда. И кардик хуьруьнвийри чпин пайни кутазава, икъван чӀавалди абуру 400 000 манат пул кӀватӀнава.

Акъатай йисуз КӀварчагъ 3 куьчеда къир цана, пожарный часть эцигна, 2019-йисуз КӀварчагъа Хабиб Алагъвердиеван тӀварунихъ галай бокс вилик тухунин Центр ачухна, 2020-йисуз «100 школа» проектдай КӀварчагъа умуми образованидин идара ремонт хуьвуна ва маса кӀвалахар тамарна.

Райондин Къили алава хуьвурвал, НуьцӀуьгърин хуьре куьчейра къир цунин кӀвалахар 2021 ва 2022-йисара давамарда. ГъаӀни кура-кура Зизикиз физвай 3,4 километрдин автомобилрин рекъени къир цада.

Райондин Къил Нариман Абдулмуталибова хуьрерин социальный месэляяр гъялуни карда куьмек, хуси пулуни такъатар гунай агъалийриз чухсагъул лагъана, гъаӀни НуьцӀуьгърин жемьтдиз района тухузвай «Моя улица самая благоустроенная» муниципальный конкурсда иштиракуниз эвер гана. И конкурсда гъалиб хъайи куьчээр муниципалитетдин патай къир цадайбурук кутазава.

Текст кхъейди ва шикил ягъайди Хазран Къасумов я.

Машгъур композитор рикӀел хкана

25-декабрдиз Махачкъалада Урусрин театрдин гъвечи залда Россиядин ва Дагъустандин искусствойрин лайихлу деятель, машгъур композитор регъметлу Мегъамед Гъуьсейнов рикӀел хкуниз талукъарнавай яедин митинг кӀиле фена.

Ана яратмишунардай ва илимдин интеллигенциядин, гъукумдин, общественностдин, СМИ-дин векилри иштиракна.

Яедин мярекатда чи райондин Къил Нариман Абдулмуталибовани иштиракна.

Мегъамед Азизхановичан экуь къамат рикӀел хкуналди, райондин Къили машгъур композитордихъ – гъуьрметлу дустунихъ галаз гъамиша вичин мягъкем алакъаяр аваз хъайиди, адан яратмишунрал къару тирди къейдна. Къилди къачуртӀа, лезги халкъдин «Шарвили» къагъриманвили эпосдин суварин йикъаз гъазурвилер аквадайла республикадин тешкилувили



комитетда саналди авур кӀвалах еке разивилелди рикӀел хкана, ам гъамиша хайи ерийрив еке фикир гуналди ва къадирлувилелди эгечӀиз хъайиди, милли культура, чӀал ва адетар хуьнин еке терефдар тирди къейдна, адан инсанвили ерийрикай суьгъбетна, Готфрид Гъасанов хътин зурба бажарагърин адетар давамаруналди ада са жерге цийи теклифар уьмуьрдиз кечирмишайди, Дагъустандин музыкадин искусстводин хандаклар мадни мягъкемарайди лагъана.

Ам уьмуьрдивай къакъатун неинки са лезги, вири Дагъустандин, гъаӀни урус халкъ патални еке магърумвал тирди къейд авунихъ галаз санал, райондин Къили машгъур композитордин тӀвар эбеди авун патал Сулейман-Стальский райондин яратмишдай интеллигенция Мегъамед Гъуьсейнован тӀвар эбеди авунин мураддалди района са куьче ва я культурадин са макан адан тӀварцӀихъ ягъунин теклиф гъаз экъечӀнавайдини лагъана ва адан тереф хвана.

Райондин Къили вичин рахунрин эхирдай композитордин багърийриз ва мукъва-къилийриз, гъаӀни республикадин яратмишунардайбурун сообществодиз дерин хажалат чӀугунивди башсагълуьгъвал гана.

Къейд ийиз кӀанзава хьи, Мегъамед Гъуьсейнов яргъалди чӀугур азардикди 79 йисан яшда аваз 2020-йисан 19-декабрдиз регъметдиз фена.

Ам 1941-йисуз Рутул райондин Хъуьлуьд лугъудай лезги хуьре дидедиз хъана. Ада Махачкъаладин музыкальный училище ва Москвадин Гъукуматдин культурадин институт акъалтӀарна. Пешекар композиторди 200-далай виниз музыкадин эсерар теснифна. Ам са шумуд сеферда хъсан эсерар тесниф авунай ДР-дин Гъукуматдин премиядиз, фестивалрин ва конкурсрин лауреатвили тӀварар гуниз лайихлу хъана.

Мегъамед Гъуьсейнова гъаф йисара «Дагестан» ГТРК-да отделдин заведующий ва художественный радиопрограммийрин къилин редактор яз, 1982-1992-йисара республикадин культурадин министрдин заместитель яз кӀвалахна. 2008-йисалай ам операдин ва балетдин Даггостеатрдин художественный руководитель тир.

2015-йисан 1-июлдай гъа и театрда музыкадин рекъяй заведующийвили кӀуллуьгъ кӀиле тухузвай.

Регъметлу композитор Мегъамед Азизханович Гъуьсейнован экуь къамат чи рикӀера гъамишалугъ яз амуькда.

Гъазурайди – Абидин Камилов

Игитдиз талукъарнавай «варз»

Терроризмдин ва экстремизмдин идеологиядиз акси кӀвалахдин пландин сергъятра аваз райондин образованидин организацияра «ИМЦ» МКУ-дин директордин заместитель Венера Ханвердиевадин регъбервилик кваз Россиядин Игит Радим Халикьов рикӀера хуьнин лишан яз 23-ноябрдилай 23-декабрдалди «Ему исполнилось бы 50...» «варз» (месячник) кӀиле фена. Къилди къачуртӀа, кӀелзавайбуру Игитдин хизандихъ галаз гуьруьшмиш хъана, «Подвиг твой бессмертен» темадай

викӀегъвили тарсар, «Героем не рождаются, ими становятся» классдин сятер, конкурсар, журналист Хазран Къасумован «Гъа Игит хва Радим я чи» шиир кӀелунай флэшмоб тухвана, Радим Халикьован Женгинин баркалладин музейдиз экскурсияр тешкилна.

Венера Ханвердиевади чаз лагъайвал, ихътин мярекатри кӀелзавайбуру ватанпересвили руьгъдаллаз тербияламишуниз, абурук къагъриманвили гъиссер кутуниз куьмекзава.

Х. Гъажибалаев

Сулейман-Стальский райондин 2021-йисан литературадин календарь


I. Яратмишзавай ксар:

1. Сейфуллагъ Керимов (1921-1991) – 100 йис
2. Ибрагъим Гъуьсейнов (1936-2014) – 85 йис
3. Вадим Жамалдинов (1941) - 80 йис
4. Абидин Камилов (1951) - 70 йис
5. Фейзудин Нагъиев (1951) - 70 йис
6. Шагъабудин Шабатов (1951) - 70 йис

II. Лишанлу вакъияяр:

1. Райондин «Куьредин хабарар» газетдин сифте нумра акъатайдалай инихъ (1931) – 90 йис

«Куьредин хабарар» газетдин редколлегия



Виликан адетар ва умудрин тар

Виридаз чизва хьи, Европада Цийи йис 1-январдиз кьейдзава. Им кьадим Римдин аггалирилай атанвай адет я. Амма Урусатда гьамиша икI тушир. Кьадим вахтара ам кьве сеферда кьейдзавай: 1-мартдиз ва 1-сентябрдиз. Сад диндин ва садни гражданвилин кьанунрихь галаз алакьалу тир.



1343-йисуз Цийи йис кьве сеферда кьейд авунал эхир эцигна. Ам 1-сентябрдиз кьиле тухуз хьана. Эхиримжи сеферда зулуз и сувар Урусатда 1699-йисуз тухвана. И йисан 20-декабрдиз пачагъ I-Петрди а кардин гьакьиндай Указ акьудна хьи, 1-январдилай цийи асир ва 1700-йис башламиш жедат. И кар кьейд авун патал пачагьдин эмирдалди 1700-йисан 1-январдиз кьушунрин парад тешкилна ва 200 тупунай салют гана.

Гьа йисалай инихь Урусатда Цийи йис 1-январдиз кьейдзава.

Цийи йис елка галачиз кьаршиламишун фикирдиз гьиз жедат, иллаки чи уьлкведин юкьван зулуна яшамиш жезвайбур патал.

Вучиз елкадиз ихьтин кьимет ава? Белки ам дуьз тан авайвилай, гуьрчег ва хьуьгуьзни кваз кьацуди тирвилай ятIа?

Лап дегь заманайрилай чи ага-бубаяр тарарив чан алай шейэрив хьиз эгечдай, абурухь писвал ва хьсанвал ийидай мумкинвал авайди яз гьисабдай.

Елкадиз, пак тарциз хьиз, гьеле кьадим Германиядин аггалири икрамзавай. Абуру чан алай вири загIар хуьзвай руьгьер гьа и тарцихь авайдахь ва вичин цацаралди ада чIулав кьуватрикай хуьзвайдахь агьазвай.

Йиса кьилий-кьилиз кьацуз амуькьзавай елкадин тар гьамишалугь жегьилвилин лишан тир. Виклгьвал, вафалувал, руьгьдин диривал-цицивал гьамиша риклера амуькьун, яргьалди яшамиш хьун гьа и тарцихь галаз алакьалу ийизвай.

Кьадим Грецияда елка умудрин тар тир. «Цийи йис кьиле тухунин гьакьиндай» I-Петрдин 1699-йисан 15-декабрдин Указ акьатай чIавалай Россияда елкадикай Цийи йисан тар хьана. Пачагьди и сувар Европада кьейдзавай тегьерда кьиле тухунин буйругь гана.

Амма елка, умудрин тар, цийи йис кьаршиламишунин ярж (символ) яз ама. Умудлу я, йисар, асирар кьезе фидат, цийи йисан сувар хьиз, елкани мидаим яз амуькьда.

Гьазурайди Х. Кьасумов я.

Цийи йисан вилик чи жегьилрин агалкьунар

Далгатан мад са гьалибвал

2020-йисан 20-декабрдиз Москвада джиуджитсдаи (AJP TOUR RUSSIA NATIONAL PRO-GI) международный турнир кьиле фена. Ана Россиядай, СНГ-дик акатзавай ва Европадин уьлквейрай тир 500 спортсменди иштиракна. Ана ери-бине Эминхуьрай тир Дагьустандин государственной медицинадин университетдин 3-курсунин студент Далгат Османова GI ва NO-GI разделрай 1-чкаяр кьуна.

Лагьана кIанда, Далгат 12 йисалай эгечIна пешкарвили спортдал машгьул жезва. Виликдай ада греппингдай Москвада, Кьазахстанда (2018-йис) ва Бакуда дуьньядин кIвенкIвечивал патал кьиле фейи акьажурна, 2020-йисуз Москвада Европадин Кубок патал тухвай турнира 1-чкаяр, Россиядин чемпионатда 2-чка кьунай.

Далгат Османов гьакIни жуьреба-жуьре версийрай (UWW, ACBJJ) дуьньядин чемпион, кьве сеферда Россиядин (AJP версия), 5 сеферда Дагьустандин, 4 сеферда СКФО-дин чемпион, пе-waza разделрай 2 сеферда Россиядин чемпионатрин 2-призер, гзаф кьадар чIехи маса турнирдин чемпион я.



Цийи йисан мярекатар

Акциядин сергьятра аваз

«Мы вместе» Вирироссиядин акциядин сергьятра аваз Сулейман-Стальский райондин волонтерри (руководитель – Маина Аликуберова) набудар тир аялриз куьмекар гунин мураддалди «Цийи йис – гьар са кIвале» проект кьиле тухвана. Мергьметлувилин и кардай райондин Кьил Нариман Абдулмуталибова волонтерриз чухсагьул малумарна.

Негьижаяр кьуна

Райондин аялрин яратмишунрин кIвале «Зимняя сказка своими руками» лишандик кваз тухвай муниципальный конкурсдин негьижаяр кьуна.



Конкурсда умуми образованидин 24 организациядай тир 2-4-класера кIелзавайбуру иштиракна.

Конкурсда 1, 2 ва 3-чкаяр кьур 52 аял райондин образованидин управленидин Гьуьрметдин грамотайриз лайихлу хьана.

Пуд лагьай чка кьуна

Москва шегьерда пуэрлтингдай, силовой двоеборьедай, далу кIаникна (жимдай), халкьдиз хас тир жимдай, амплифтингдай ва стритлифтингдай WRP/ WEPF/ WAF/ WSF версиядай 6-дуьньядин чемпионат кьиле фена. Ана 25 уьлкведий тир 2000-далай виниз спортсменди иштиракна. Абурун арада Алкьвадрин хуьрай тир Бугьалдин Рамазановни авай. Далу кIаникна штанга хкажунай ада приздин 3-чка кьуна ва устадвал хкажзава.

Лагьана кIанда, Бугьалдин Рамазанова тренер Заур Абдурагьманован гьилик вердишвилер кьачузва.

Райондин руководстводи ва райондин спортдин, туризмдин ва жегьилрин крадай Комитетди Б. Рамазановаз дуьньядин чемпионатда приздин чка кьун мубаракзава ва адахь жележегда мадни чIехи агалкьунар хьун кIанзава.

Хазран Кьасумов
Шикилда: Б. Рамазанов



Утеранный диплом Дербентского медицинского колледжа им. Г. А. Илизарова серии 110504 за № 0010686, выданный в 2020 году на имя Магомедовой Мадины Дазмировны, считать недействительным.

Утеранный аттестат о среднем общем образовании серии Б за № 3677322, выданный в 2005 году Ашагасталказмалярской СОШ на имя Джаватовой Людмилы Абасмирзоевны, считать недействительным.

Райондин культурадин отделдин работникри ва профсоюздин комитетди играми вах **Периханум** кечмиш хьунихь галаз алакьалу яз Хидиров Султангьмедаз, адан хизандиз ва мукьва-кьилийриз башсагьлугьвал гузва.

«КЮРИНСКИЕ ИЗВЕСТИЯ»
(на лезгинском языке)

Тешкилатчи: Сулейман-Стальский райондин администрация
Кьилин редактор А. М. Мирзалиева
Редакциядин ва издателдин адрес: 368760, Кьасумхуьр,
СтIал Мусаибан куьче, 3. Телефон: 3-41-65
Печатдин кIвал
Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макьалайрин авторрин фикирар сад тахьун мумкин я. Макьалайрин, абура гьизвай деллирин дуьзвилин патахьай жаваб авторри чин гуда. Макьалайриз рецензияр гуьзач ва абуру элкьвена вахкузвач. Чап ийиз вахкудай вахт 15:00. Чап ийиз вахкана 10:30
Газетдин индексар: Йисан – 63323; Зур йисан – 51369
Газет йиса 52 сеферда акьатзава.
Гь – И лишандик квай материалар гьакьидихь чапзавайбур я.
12+ - Икьван яшар хьанвайбуру кIелрай.
Газет ООО «Типография-М» типографияда чапна, 368600, Дербент шегьер, С. Кьурбанован куьче, 25. Тираж 14 50. Зак. №